

ONLAYN MEDIADA AXLOQIY DILEMMALAR TAHLILI VA HUQUQIY-ME'YORIY JIHATLARI

Onlayn mediada axloqiy dilemma: muammo va istiqbollar

Mediamakonda universallashtirish jurnalistlarga dolzarb axborot yaratish, ijtimoiy jarayonlarni tahlil qilish, jamoatchilik fikriga ta'sir etish imkonini berdi.. Raqamli konvergensiya sharoitida jurnalist xolislik, tezkorlik va ishonchlilikka tayangan holda auditoriyaga zarar yetkazmasligi lozim. Biroq internet OAV va ijtimoiy tarmoqlarda salbiy axborot tarqalishi professional jurnalistlar oldida yangi axloqiy dilemmalarni yuzaga keltiradi. Shuningdek, raqamli platformalarda dezinformatsiya, feyk kontent va vahimaga sabab bo'luvchi materiallarning tez tarqalishi OAVning ijtimoiy burchini yanada muhimlashtiradi.

Axborot iste'molchilari orasida media savodxonlikni oshirish, tanqidiy fikrlashni shakllantirish va ishonchli manbalarga tayanishga o'rgatish ehtiyoji tobora dolzarb bo'lib bormoqda. Demak, onlayn mediada axloqiy dilemmalarni bartaraf etishning eng samarali yo'li bu jurnalistlarning kasbiy mahoratini oshirish, tahririyatlarning shaffof va mustaqil ishlashini ta'minlash, media etikasi me'yorlariga qat'iy amal qilishdir. Axborot maydonida mas'uliyat bilan ishlash jamiyat barqarorligi, fuqarolarning xabardorligi va demokratik jarayonlarning rivojlanishiga xizmat qiladi.

Quyidagi tahliliy jadvalda onlayn mediada mavjud axloqiy dilemmalar va ularni bartaraf etishning yechim variantlari keltiriladi:

Onlayn mediadagi axloqiy dilemmalar va ularning tahlili

Dilemma	Mojaro	Yechim variantlari
Aviahodisa haqida jamoatchilikni tezkor va to'liq xabardor qilish zarurati bilan bir vaqtda,	Jurnalistik amaliyotda axborotni tezkor yetkazish tamoyili jamoatchilik talab va bosimi ta'sirida ustuvor	1. Faqat rasmiy va tasdiqlangan manbalarga tayanish orqali axborot berish.

tasdiqlanmagan ma'lumotlar tarqatilishi orqali ijtimoiy vahima uyg'otmaslik hamda aviakompaniya obro'siga asossiz zarar yetkazmaslik o'rtasidagi axloqiy tanlov.	ahamiyat kasb etadi. Biroq voqeaning kelib chiqish sabablari hali rasman aniqlanmagan sharoitda mazkur tamoyil kasbiy etika me'yorlari bilan ziddiyatga kirishishi mumkin. Natijada jamoatchilikning axborot olishga bo'lgan huquqi, yo'lovchilar xavfsizligini ta'minlash zarurati hamda aviakompaniyaning huquqiy manfaatlari, ishbilarmonlik obro'si va jamoatchilik ishonchi bilan bog'liq manfaatlari o'rtasida axloqiy mojaro vujudga keladi.	2. Sensasion sarlavhalar va emosional ifodalardan voz kechish. 3. Materialda inson xavfsizligini asosiy qadriyat sifatida ustuvor qo'yish. 4. Hodisa sabablari bo'yicha tekshiruv natijalari e'lon qilinmaguncha taxmin va gumonlarni tarqatmaslik. 5. Aviakompaniya va aeroport ma'muriyatining rasmiy pozitsiyasini keltirish orqali axborot muvozanatini ta'minlash.
Dilemma¹ Jamoatchilikka davlat mablag'larining talon-toraj qilinishi haqida ma'lumot berish muhim, lekin ushbu ma'lumot noto'g'ri yoki bir tomonlama bo'lsa, odamlarda noto'g'ri tasavvur uyg'otishi mumkin. Tergov davom etayotgan paytda	Tergov organlari federatsiya rahbariyatining mablag'larni talon-toraj qilganini da'vo qilmoqda, lekin federatsiya vakillari buni inkor qilishi yoki boshqa sabablarni ko'rsatishi mumkin. Matbuotda bu haqda yoritilish federatsiya rahbariyatining ishonchini pasayishiga va jamoatchilik orasida noto'g'ri tasavvur paydo bo'lishiga olib kelishi	1. Xabarda mutlaqo xolislik va dalillarga asoslangan yondashuv ta'minlanishi kerak. 2. Hodisa yuzasidan barcha taraflarning fikri o'rganilishi va bir tomonlama yondoshuvdan qochish zarur. 3. Rasmiy manbalarga tayanib, rasmiy va

¹ @uzbprokuratura (12.09.2024 y)

aybdorlar haqida xabar berish aybsizlik prezumpsiyasiga zid kelishi mumkin.	mumkin. Agar xabar bir tomonlama yoki noto'g'ri yoritilsa, soxta axborot tarqalishi va jamoatchilikda aybdorlar haqida haddan tashqari salbiy fikr uyg'otilishi mumkin.	norasmiy axborotni aniq ajratish kerak. 4. Ochiq tergov jarayoni natijalari asosida xulosa chiqarish va faktlar tasdiqlangunga qadar shaxslarni ayblashdan tiyilish lozim.
Dilemma² Tug'ruqxonadan chaqaloq shifokor sifatida o'zini tanishtirgan noma'lum shaxs tomonidan o'g'irlab ketilgan holatda asosiy muammo shifoxonada xavfsizlik tizimining yetarli darajada ta'minlanmaganligini aks ettiradi. Ayni vaziyatda tug'ruqxonalarda chaqaloqlar xavfsizligini qanday nazorat qilish kerakligi ham muhim ahamiyatga ega. Jurnalistlar bunday holatni yoritishda shifoxona nomini ochiq ko'rsatishi zarurmi yoki	Shifoxonalarda chaqaloqlarni qarindoshlarga yoki notanish shaxslarga topshirish qoidalari to'liq yo'lga qo'yilmagan taqdirda, shunday hodisalar sodir bo'lishi mumkin. Masalan, tibbiy xodimlar yoki chaqaloq onasi shaxsni tekshirmay, hujjat yoki shaxsiy guvohnomani talab qilmagan holatda begona shaxs bemalol chaqaloqni olib ketishi mumkin. Bu onaga ruhiy zarba berish, jinoyatchiga nisbatan choralar ko'rish va kelajakda shunday hodisalarning oldini olish masalasini dolzarb qiladi.	1. Kiruvchi har bir shaxsning shaxsiy ma'lumotlari qayd etilishi va kuzatuv kameralarining samarali ishlashi ta'minlanishi kerak. 2. Chaqaloqlar faqat ona yoki rasmiy tasdiqlangan qarindoshlarga topshirilishi lozim. 3. Yangi tug'ilgan chaqaloqlarni ko'rikka olib ketish jarayonida onadan yoki hujjat bilan tasdiqlangan shaxsdan ruxsat olinishi kerak. 4. Bunday jinoyatlarni sodir etgan shaxslarga nisbatan qat'iy jazo choralari qo'llanilishi va kelajakda oldini olish

² @OPER_UZ. – Telegram-kanal. – 04.02.2025.

obro‘ni saqlash maqsadida nomlarni yashirish kerakmi?		uchun profilaktik tadbirlar o‘tkazilishi zarur. 5. Bu choralar xodimlar hushyorligini oshirib, bemorlar xavfsizligini ta‘minlashga xizmat qiladi.
Dilemma³ Fuqarolarning xavfsizlik borasidagi xavotirlari va davlat organlarining rasmiy ma‘lumotlari bilan bog‘liq ziddiyat. Shuningdek, so‘z erkinligi va jamiyat xavfsizligi o‘rtasidagi muvozanat, jazo chorasining og‘irligi, huquqbuzarlikning ijtimoiy jihatdan xavflilik masalasi muhim ahamiyatga ega.	Ijtimoiy tarmoqlarda “Hisorak suv ombori yorilgani” haqida xabar tarqaldi. Bu xabar tufayli aholi orasida vahima ko‘tarildi va ba’zi oilalar uylarini tashlab ketishga majbur bo‘ldi. Noaniq ma‘lumotlar tarqalishi ijtimoiy ziddiyatlar yuzaga kelishiga va huquqni muhofaza qiluvchi organlar hamda fuqarolar o‘rtasida tushunmovchilik paydo bo‘lishiga olib keldi.	1. Suv ombori holati haqida muntazam ravishda shaffof va aniq ma‘lumot taqdim etish. 2. Jamoatchilikni rasmiy manbalardan ma‘lumot olishga o‘rgatish. 3. Media savodxonlikni oshirishga qaratilgan ta‘lim dasturlari tashkil qilish. 4. Ijtimoiy mas‘uliyat hissini shakllantirish. 5. Ijtimoiy tarmoqlarda ma‘lumot tarqatish madaniyatini rivojlantirish.
Dilemma⁴ Muammoga jamoatchilik e‘tiborini qaratish uchun fojia qurbonlarining	Ikkinchi jahon urushi va zamonaviy nizolar (Suriya, Ukraina va Rossiyadagi harbiy ziddiyatlar) doirasida	1. Fotosuratlarini yoki videomateriallarni nashr qilish, bunda subyektning roziligi va shaxsiy

³ Darakchi.uz, <https://darakchi.uz/uz> (04.02.2025).

⁴ Feodosiyskiy Gorodskoy Dom Kulturi. feo-gdk.crm.muzkult.ru. <https://feo-gdk.crm.muzkult.ru/> (20.04.2025)

fotosuratlarini nashr qilish kerakmi yoki ularning shaxsiy hayoti va qadr-qimmatini himoya qilishimiz kerakmi?	fotosuratlar auditoriya ruhiyatiga ta'sir qilish, raqib tomonni qoralash va uning shafqatsiz siyosatini ko'rsatish maqsadida oldindan tayyorlangan fotopostanovkalar yoki fotofeyklar shaklida qo'llanilishi, urush qurbonlarining fotosuratlari ochiq holda tarqatilishi ham kuzatiladi. Bu jarayonda jamoatchilik manfaatlari va shaxsiy hayot hamda qadr-qimmat huquqlari o'rtasida etik ziddiyat yuzaga keladi	ma'lumotlar himoyasi ta'minlanishi lozim. 2. Dahshatga soluvchi yoki shok ta'sir qiluvchi vizual materiallarni nashr qilishdan saqlanish, fojia sabablarini tahlil qilish va kontekstni inobatga olish tavsiya etiladi.
--	--	--

Demak, tahlillardan ayon bo'ladiki, O'zbekistonning zamonaviy media makonida onlayn media professional jurnalistik faoliyat bilan bog'liq bir qator axloqiy dilemmalarga duch kelmoqda. Bu avvalo axborotning aniqligi va tekshirilishi bo'lib, nashr tezligiga intilib tekshirilmagan faktlar, mish-mishlar va dezinformatsiyalarni tarqatish, anonim manbalardan tegishli tekshiruvsiz foydalanish shular jumlasidandir. Yana bir muammo senzura va ichki senzura bo'lib, siyosat, iqtisod va ijtimoiy masalalarga oid ayrim mavzularni yoritishdagi cheklovlar, jurnalistlar o'rtasida oqibatlardan qo'rqish (huquqiy, iqtisodiy, obro'e'tibor) mavjud. Shuningdek, jamoatchilik fikrini manipulyatsiya qilish yana bir muammo bo'lib, auditoriyani jalb qilish uchun klikbeyt sarlavhalari va sensatsiyadan foydalanish, reklama beruvchilar yoki hokimiyat manfaatlariga mos keladigan materiallarni bir tomonlama taqdim etish, jismoniy shaxslar to'g'risidagi ma'lumotlarni ularning roziligisiz e'lon qilish, onlayn platformalar

foydalanuvchilaridan ma'lumotlarning sizib chiqishi, tahririyat siyosatiga ta'sir qilishi mumkin bo'lgan reklama beruvchilarga va mahalliy reklamaga bog'liqlik, materialning reklama xarakterini ko'rsatmasdan yashirin reklama joylashtirish, manbani ko'rsatmasdan kontentdan noqonuniy foydalanish, xorijiy maqolalarni moslashtirmasdan va tegishli atributsiz nusxalash, milliy, diniy va ijtimoiy adovatni qo'zg'atishga yordam beradigan materiallarni nashr etish, nafrat va noto'g'ri ma'lumotlarning tarqalishiga olib keladigan sharhlar moderatsiyasining, shuningdek, tahririyatlarda faktlarni tekshirish mexanizmlarining yo'qligi, siyosiy va iqtisodiy manfaatlar uchun yolg'on xabarlar yaratish va tarqatish ham shular jumlasidandir.